

TERMA DAN SYARAT
KEMPEN GANJARAN KESETIAAN SIMPAN SSPN PRIME 2025

KEMPEN

1. Kempen Ganjaran Kesetiaan Simpan SSPN Prime 2025 dianjurkan oleh Perbadanan Tabung Pendidikan Tinggi Nasional (PTPTN) bagi menghargai pendeposit yang kekal setia dengan produk **Simpan SSPN Prime** dan membuat simpanan dalam jangka masa panjang.
2. **Ganjaran Kesetiaan (GK)** merupakan ganjaran tambahan. Berbeza dengan dividen, GK ini diberikan ke atas simpanan tahun semasa yang dibuat dalam tempoh kempen. GK ini akan diberikan khas buat **pendeposit setia Simpan SSPN Prime**.

KELAYAKAN DAN TEMPOH KEMPEN

3. Terbuka kepada pendeposit yang **membuka akaun Simpan SSPN Prime pada tahun 2004 sehingga 31 Disember 2021** ("akaun yang layak");
4. Penentuan syarat kelayakan dan tempoh kempen adalah seperti berikut:

Tempoh Kempen	Tempoh Pengkelan	Syarat Kelayakan Ganjaran Kesetiaan
1 Mei 2025 - 31 Julai 2025	1 Ogos 2025 - 30 September 2025	• Membuat penambahan simpanan* terkumpul (tidak termasuk dividen tahun semasa) minimum RM1,000 di dalam akaun yang layak menyertai GK. Akaun tersebut mestilah AKTIF serta TIDAK DITUTUP sehingga tarikh pengkreditan GK dan memenuhi terma dan syarat GK. • Tidak membuat pengeluaran, pindahan dan/ atau penutupan dari mana-mana akaun di bawah pendeposit yang sama dalam tempoh kempen, termasuk akaun yang tidak layak menyertai GK, jika ada. • Tidak membuat pengeluaran, pindahan dan/ atau penutupan dari akaun yang LAYAK terima GK dalam tempoh pengkelan. • Setiap akaun yang memenuhi syarat kelayakan akan menerima GK sebanyak 1% atas simpanan yang dibuat dalam tempoh kempen.

*Simpanan adalah amaun tabungan yang dibuat oleh seseorang individu di dalam sesuatu tahun

5. Sekiranya berlaku kematian pendeposit dalam tempoh kempen/ tempoh pengkelan/ tempoh pengkreditan GK, akaun tersebut masih **LAYAK** menerima GK sekiranya memenuhi terma dan syarat.

PEMBERIAN GK

6. Jumlah **maksimum GK yang akan dikreditkan** ke dalam akaun yang layak adalah **RM8,000 untuk setiap akaun**, tertakluk kepada jumlah sebenar simpanan yang dibuat dalam tempoh kempen.
7. Pemberian GK ini adalah secara automatik dan akan dikreditkan ke dalam akaun yang layak pada bulan **Disember 2025**.
8. GK yang dikreditkan adalah **TIDAK LAYAK** untuk diambil kira sebagai sebahagian daripada pelepasan taksiran cukai pendapatan. Pelepasan yang dituntut adalah terhad kepada amaun tabungan bersih (jumlah simpanan pendeposit) di dalam Simpan SSPN yang dilakukan oleh seseorang individu yang terhad kepada RM8,000 di dalam sesuatu tahun sahaja.
9. GK tidak boleh ditukar atau dipindah milik sama ada sebahagian atau keseluruhannya dalam bentuk lain atau kepada mana-mana akaun Simpan SSPN Prime pendeposit yang lain selain yang ditetapkan oleh PTPTN.
10. Keputusan pemberian GK oleh PTPTN adalah muktamad. Walau bagaimanapun, GK ini boleh ditarik semula dengan **budi bicara mutlak PTPTN** sekiranya didapati akaun tidak layak dan tidak mengikuti terma dan syarat yang telah ditetapkan.
11. Sebarang surat-menyurat, pertanyaan, rayuan, bantahan atau apa-apa cubaan untuk mempertikaikan keputusan adalah tidak akan dilayan.
12. Penerima GK boleh dihubungi pada bila-bila masa yang dianggap wajar oleh PTPTN, melalui e-mel atau apa-apa cara komunikasi lain yang difikirkan sesuai oleh PTPTN.

PERUNTUKAN UMUM

13. Untuk mengambil bahagian dalam kempen ini, pendeposit mestilah termasuk di dalam kriteria kelayakan dan memenuhi mekanisme kempen. Melainkan dinyatakan sebaliknya oleh pihak PTPTN, pendeposit tidak perlu menandatangani atau melengkapkan apa-apa borang permohonan untuk mengambil bahagian dalam kempen ini.
14. Penyertaan pendeposit di dalam kempen ini adalah atas risiko pendeposit sendiri. PTPTN tidak akan bertanggungjawab di atas sebarang kecederaan, kehilangan, kerosakan atau tuntutan akibat penyertaan tersebut.
15. PTPTN berhak meminda, membatalkan atau menambah mana-mana terma dan syarat di dalam kempen ini sama ada secara keseluruhan dengan memberi notis awal melalui laman web rasmi PTPTN/ media massa/ paparan notis di cawangan-cawangan PTPTN atau apa-apa cara yang difikirkan sesuai sekurang-kurangnya dua puluh satu (21) hari kalendar. Pindaan, pembatalan atau penambahan tersebut adalah dianggap mengatasi pernyataan seperti mana yang terkandung di dalam bahan promosi pengiklanan yang berkaitan dengannya. Untuk mengelakkan keraguan, sebarang pembatalan, penamatan atau penggantungan kempen ini oleh PTPTN tidak akan memberi hak kepada mana-mana pendeposit untuk apa-apa tuntutan atau pampasan terhadap PTPTN ke atas apa-apa dan/ atau keseluruhan kehilangan, kos, perbelanjaan atau kerosakan yang ditanggung atau

dialami sebagai kesan langsung atau tidak langsung daripada pembatalan, penamatan atau penggantungan tersebut.

16. Pendeposit adalah dinasihatkan untuk melayari laman sesawang PTPTN dari semasa ke semasa untuk menyemak terma-terma dan syarat-syarat serta mengambil maklum atas sebarang perubahan atau pindaan kepada terma dan syarat ini.
17. PTPTN tidak bertanggungjawab ke atas penghantaran penyertaan yang lewat, hilang, tidak lengkap, tidak diserahkan, ditangguhkan, rosak atau salah arah sama ada disebabkan kesilapan, peninggalan, pengubahan, gangguan, penghapusan, kecurian, pemusnahan atau sebaliknya.
18. PTPTN berhak membatalkan sebarang penyertaan tanpa sebarang notis, sekiranya didapati pendeposit tidak layak dan tidak mengikut terma dan syarat yang telah ditetapkan.
19. Segala terma dan syarat yang terdapat di dalam dokumen ini dan juga sebarang keputusan yang dibuat oleh PTPTN berhubung kempen ini adalah muktamad dan konklusif. PTPTN tidak akan melayan sebarang rayuan atau pertikaian melibatkan keputusan yang telah dibuat.
20. Sekiranya terdapat percanggahan terma dan syarat kempen ini di dalam bahan pengiklanan, promosi, publisiti dan bahan-bahan lain berkaitan dengan kempen ini, maka terma dan syarat di dalam laman web rasmi PTPTN adalah yang muktamad. Sebarang perkara mengenai kempen yang tidak dinyatakan dalam terma dan syarat adalah bergantung kepada budi bicara mutlak pihak PTPTN.
21. PTPTN boleh menggunakan penyertaan pendeposit termasuk tanpa terhad kepada gambar, lukisan, teks, dan kandungan atau maklumat lain yang dikemukakan untuk tujuan promosi (secara kolektif dinamakan "Bahan"), dan nama pendeposit, dan/ atau persamaannya, untuk tujuan pengiklanan, publisiti dan promosi mana-mana barangan atau perkhidmatan PTPTN, untuk tempoh tidak terhad di seluruh dunia tanpa pampasan, dan dalam mana-mana media. Pendeposit hendaklah melakukan segala perkara yang perlu untuk tujuan ini jika diminta oleh PTPTN.
22. Segala surat-menyurat yang dihantar ke alamat terakhir mengikut rekod PTPTN dianggap telah diserahkan kepada pendeposit.

*Nota: Anda dinasihatkan untuk membaca dan memahami Terma & Syarat penuh
Kempen Ganjaran Kesetiaan Simpan SSPN Prime 2025*

Maklumat dikemaskini pada 9 April 2025